

ՀԱՄԱՌՈՏ ԼՈՒՐԵՐ

ԵՐԵՎԱՆԻ ՌԱԴԻՈՖԻԿԱՑԻԱՆ

Մեծ աշխատանք է կատարվում մայրաքաղաքի նոր արվարձանների, ավանների, թաղամասերի, բնակելի տների և հասարակական շենքերի ռադիոֆիկացման ուղղությամբ։ Ավարտվել է Կիրովի անվան գործարանի բնակելի շենքերի ռադիոֆիկացիան։ Գործա-

րանի բանվոր-ծառայողների բնակելի տների թաղամասում դրված է 612 ռադիոկետ։ Երեք ամսվա ընթացքում բուժական հաստատություններում դրվել է 300 ռադիոկետ։ Մինչև տարվա վերջը ռադիոկետերի թիվը քաղաքում ավելանալու է 4000-ով։

ԱԿՈՒՄՔԱՑԻՆ ՇԻՆԱՐԱՐՈՒԹՅՈՒՆ

Ընթացիկ տարում շահագործման է հանձնվելու ևս 70 նորակառույց գյուղական ակումբ։ Նոր բարեկարգ ակումբներ կունենան Մարտունու, Ախտալի և ռեսպուբլիկայի շատ այլ շրջանների գյուղերը։

Գյուղական այդ ակումբներն ունենալու են հանդիսարաններ՝ 400 հոգու համար, մեծ գրադարաններ, համապատասխան սենյակներ զանազան խմբակների աշխատանքի համար, կինոսարքեր և այլն։

ՀԱՅԿԱԿԱՆ ԺՈՂՈՎՐԴԱԿԱՆ ԵՐԳԻ ԵՎ ՊԱՐԻ ԱՆՍԱՄՔԼԻ ԳԱՍՏՐՈՆԵՐԸ

Մեծ հաջողությամբ անցան Մոսկվայում Հայաստանի Պետական ֆիլհարմոնիայի հայկական ժողովրդական երգի և պարի անսամբլի դաստրոնները՝ Հայկական ՍՍՌ ժողովրդական արտիստ Թաթուլ Ալթունյանի և բալետմեյստր Էդուարդ Մանուկյանի ղեկավարությամբ։

Անսամբլի առաջին համերգները կայացան Չայկովսկու անվան համերգային դահլիճում և Միությունների Տան Սյունազարդ դահլիճում։

Մենակատարներ Ա. Ղազարյանը, Վ. Ռաշիդյանը, Ս. Պողոսյանը և մյուսները մեծ վարպետությամբ կատարեցին հայկական ժողովրդական հին պարերը։

Անսամբլի ելույթները ջերմորեն ընդուն-

վեցին Մոսկվայի հասարակայնության կողմից։

Անսամբլը 40 համերգ տվեց Մոսկվայում, Լենինգրադում, Լատվիայի, Լիտվայի և Էստոնիայի մայրաքաղաքներում։

Հիտվական ՍՍՌ Գերագույն Սովետի նախագահությունը բարձր գնահատելով անսամբլի վարպետությունը, անսամբլի առաջավոր արտիստներին պարգևատրեց ռեսպուբլիկայի Գերագույն Սովետի պատվոգրերով գեղարվեստական հաջող գործունեության համար Ռիգայում և մյուս քաղաքներում։

Պատվոգրերի են արժանացել անսամբլի գեղարվեստական ղեկավար Թաթուլ Ալթունյանը, մենակատարներ Լուսիկ Քոչյանը և Արամայիս Ղազարյանը։

ՏՐՈՒՆԵՐՈՒՍ ԵՐԵՎԱՆՈՒՄ

Երևանում արդեն իրականացվեց հետպատերազմյան ստալինյան հնգամյակով նախատեսված տրոլեյբուսի գործարկումը։ Անց է կացվել 14 հազար մետր երկարությամբ օղային գիծ։

Ներկայումս տրոլեյբուսը կապում է ան-

ընդհատ աճող քաղաքի համարյա բոլոր մասերը։

Մոտիկ ապագայում տրոլեյբուսը մայրաքաղաքը կկապի Բերիայի անվան շրջանի կենտրոնի հետ, որը գտնվում է քաղաքից յոթ կիլոմետր հեռավորության վրա։

ԱՐԺԱՆԻ ՊԱՐԳԵՎ

Հուլիսի 1-ին Հայկական ՍՍՌ Գերագույն Սովետի նախագահության նախագահ Մացակ Պապյանը շքանշաններ հանձնեց մի շարք առաջավոր կոլտնտեսիկներին:

Լենինի շքանշան ստացան 16 մարդ, Աշխատանքային Կարմիր դրոշի շքանշան՝ 60 մարդ, Աշխատանքային արիության և Աշխատանքային գերազանցության մեդալներ՝ 254 մարդ:

ԿԱՌԱՎԱՐԱԿԱՆ ՊԱՐԳԵՎՆԵՐ ԱՆԲԱՍԻՐ ԱՇԽԱՏԱՆՔԻ ՀԱՄԱՐ

Հուլիսի 12-ին Ղափանի Քաղաքային Գործադիր Կոմիտեում Հայկական ՍՍՌ Գերագույն Սովետի նախագահության նախագահ Մացակ Պապյանը շքանշաններ ու մեդալներ հանձնեց Ղափանի պղնձարդյունաբերության հնագույն պղնձարդոծներին՝ ապելի քան 20 տարի պղնձարդյունաբերության մեջ կատա-

րած անբասիր և արդյունավետ աշխատանքի համար:

Լենինի շքանշան ստացան երկու մարդ, Աշխատանքային Կարմիր դրոշի շքանշան՝ 27 մարդ, Աշխատանքային արիության համար մեդալ՝ 37 մարդ, Աշխատանքային գերազանցության համար մեդալ՝ 35 մարդ:

ԲՆԱԿԱՐԱՆԱՅԻՆ ՇԻՆԱՐԱՐՈՒՅՑՈՒՆԸ ՇՐՋԱՆՆԵՐՈՒՄ

Հայկական ՍՍՌ Կոմունալ բանկի Ախտալի բաժանմունքը 120 բանվորների և ծառայողների, այդ թվում և հայրենադարձ հայերի, հատկացրել է 160.000 ռուբլի վարկ՝ անհա-

տական բնակարանային շինարարության համար:

Արդեն շահագործման է հանձնվել լիովին կահավորված 20 բնակարան:

ՍՈՎԵՏԱԶԱՅ ՍՊՈՐՏՍՄԵՆՆԵՐԻ ՓԱՅՈՒՆ ՀԱՋՈՂՈՒՅՑՈՒՆՆԵՐԸ

Օգոստոսին Բուդապեշտում կայացած երիտասարդության համաշխարհային ֆեուտիվալում, որին մասնակցում էին 80 երկրների ներկայացուցիչներ, Հայաստանի սպորտսմենները ձեռք բերին փայլուն հաջողություններ:

Սպորտի վարպետ մարմնամարզիկ Հրանտ

Շահինյանը նվաճելով առաջնությունը, ըստացավ 6 ոսկե մեդալ և 5 զավաթ:

Սպորտի վարպետ բռնցքամարտիկ Էդուարդ Արիստակեսյանը, հաղթանակ տանելով իր յոթը ախույանների դեմ, նվաճեց համաշխարհային առաջնությունը և ստացավ շեմպիոնի ոսկե աստղ և զավաթ:

ՀԱՋՎԱԳՅՈՒՏ ՎԻՐԱՀԱՏՈՒՄ

Երևանի Առաջին հիվանդանոցի պրոպեդևտիկ կլինիկան բերվեց կրծքավանդակից ծանր վիրավոր մի քաղաքացի: Պարզվեց, որ վիրավորվել է հիվանդի սիրտը և մեծ արյունահոսություն է ունեցել:

Դոցենտ Վ. Սարուխանյանը անմիջապես վիրահատում կատարեց, հերձեց կրծքա-

վանդակը և բացահայտեց, որ ուժեղ կերպով վնասվել է ձախ սրտախորշը:

Վիրահատման պրոցեսում եղան ճգնաժամային պահեր: Այնուամենայնիվ, տաղանդավոր վիրաբույժը հիվանդին վերադարձրեց նրա կյանքը, սիրտը կարելով 6 տեղից: Վիրահատումը տեղեց ընդամենը կես ժամ:

ՇԱՀՈՒՄՆԵՐԻ ՎՃԱՐՈՒՄ

Այս տարվա ութ ամիսների ընթացքում Սովետական Հայաստանի խնայողական դրամարկղները ապելի քան 11,5 միլիոն

ռուբլի շահումներ են վճարել պետական փոխառությունների բաժնետերերին:

ՀԱՅՐԵՆԱԿԱՆ ԱՊԱՆԻՋՄԻ ՀՊԱՐՏՈՒՅՑՈՒՆԸ

1949 թիվը նշանավոր տարեթիվ է սովետական ալպինիզմի պատմության մեջ: 120 տարի առաջ, 1829 թվին են առաջին անգամ բարձրացել Մեծ և Փոքր Կովկաս-

ների ամենաբարձր գագաթները՝ Էլբրուսի և Արարատի վրա: Կարարդին Կիլլար Խաչիրովը առաջինը բարձրացավ Էլբրուսի վրա, իսկ հայ մեծ գրող Խաչատուր Աբով-

յանը աշխարհում առաջինը ճանապարհ
բացեց դեպի Արարատի գագաթը:

1829 թվի հոկտեմբերի 10-ին առաջին
անգամ Արարատի գագաթին, ծովի մակե-

րևելքից 5156 մետր բարձրության վրա
մարդկային ձայներ հնչեցին և նրանց մեջ
հնչեց հայ ժողովրդի մեծ զավակ հալա-
տուր Արամյանի հիանալի ձայնը:

ՆԿԱՐԻՋ Փ. ԹԵՐԼԵՄԵՋՅԱՆԻ ԳՈՐԾԵՐԻ ՑՈՒՑԱՆԴԵՍԸ ՄՈՍԿՎԱՅՈՒՄ

Հայկական ՍՍՌ Պետական պատկերա-
սրահը Մոսկվայի Հայկական Կուլտուրայի
Տանը բաց արեց Հայաստանի խոշորագույն
կենդանագիրներից մեկի, ժողովրդական
նկարիչ Փանոս Թերլեմեջյանի ստեղծագոր-

ծովյունների ցուցահանդեսը:

Ցուցահանդեսի տարբեր բաժինները
պատմում են մեծ արվեստագետի բարձր-
րակ ստեղծագործության մասին:

ՄԱՆԿԱՎԱՐԺՆԵՐԻ ՆՈՐ ԿԱԴՐԵՐ

Ընթացիկ տարում ռեսպուբլիկայի ման-
կավարժական ինստիտուտները տվեցին
մոտ 700 ուսուցիչ շրջանավարտներ՝ հայոց
և ռուսաց լեզուների, գրականության, պատ-
մության, աշխարհագրության և այլ առար-

կանների մասնագետ դասատուներ:

Հայկական ՍՍՌ Լուսավորության մի-
նիստրությունը երիտասարդ դասատունե-
րին աշխատանքի ուղարկեց շրջաններն ու
գյուղերը:

ՍՈՎԵՏԱՄԱՅ ԶԱՐԱՐԱՊԵՏՈՒԹՅԱՆ ՑՈՒՑԱՆԴԵՍԸ

Հունիսի 28-ին Երևանում, Նկարիչների
տանը, բացվեց սովետահայ ճարտարապե-
տության ռեսպուբլիկական ցուցահանդեսը:

Ցուցադրված 350 էքսպոնատները պատ-
կերում են Սովետական Հայաստանի ճար-
տարապետության ծաղկումը, ցուցադրում
ուչ միայն նրա այսօրվա օրը, այլև զար-
գացման լայն հեռանկարները:

Ցուցահանդեսը գրավել է լայն հասարա-
կայության հետաքրքրությունը: Բացմանը
ներկա էին գրողներ, նկարիչներ, գիտնա-
կաններ, գործարանների ու ֆաբրիկաների
առաջավոր բանվորներ, ինչպես նաև եղ-
բայրական ռեսպուբլիկաներից եկած հյու-
րերը:

ՕԳՆՈՒԹՅՈՒՆ ԲՆԱԿԱՐԱՆ ԿԱՌՈՒՑՈՂՆԵՐԻՆ

Անհատական բնակարաններ կառուցողնե-
րին, որոնք մեծ մասամբ հայրենադարձներ
են, անցած մի քանի ամիսների ընթացքում
Երևանի Քաղաքային մատակարարման բա-
ժինը բաց է թողել ավելի քան 700 խոր.

մետր անտառանյութ և 20 հազար քառ.
մետր ծածկի թիթեղ:

Քաղմատին կից գործում է հատուկ սղո-
ցարան, որ սպասարկում է կառուցողներին:

ՈՒՍԱՆՈՂՆԵՐԻ ԸՆԴՈՒՆԵԼՈՒԹՅՈՒՆԸ ԵՐԵՎԱՆԻ ԲՈՒՂԵՐՈՒՄ

Օգոստոսի 1-ից, ռեսպուբլիկայի բոլոր
բարձրագույն ուսումնական հաստատու-
թյուններում, սկսվեց ուսանողների ընդունե-
լությունը: Ռեսպուբլիկայի շրջաններից ու
քաղաքներից, ինչպես նաև Սովետական
Միության շատ վայրերից հարյուրավոր
դիմումներ են ստացվել Բուհերն ընդունելու
խնդրանքով:

Երևանի Մոլոտովի անվան Պետական
համալսարանն ընդունվել են 485 հոգի, իսկ
ստացվել է 994 դիմում: Համալսարանի բո-
լոր ֆակուլտետներում անցկացվում են
կոնկուրսային քննություններ, լեզվաբանա-
կան, իրավաբանական ֆակուլտետներում,
ինչպես նաև հայ գրականության և ժողովա-

լիստիկայի ֆակուլտետներում:

Երևանի Բժշկական ինստիտուտը պետք է
ընդունվեն 200 հոգի, ստացված է 409 դի-
մում: Բուժ-պրոֆիլակտիկ ֆակուլտետում,
որտեղ պետք է ընդունվի 160 հոգի, կոն-
կուրս է գնում 337 դիմողների միջև:

341 մարդ է մասնակցում Զոովետ ինս-
տիտուտի կոնկուրսային քննություններին
այն ժամանակ, երբ այստեղ միայն 200
մարդ ընդունելու հնարավորություն կա:

Կարլ Մարքսի անվան Երևանի Պոլիտեխ-
նիկ ինստիտուտում կազմակերպվել է լեռ-
նային արդյունաբերության նոր ֆակուլ-
տետ, ուր ընդունվել են 50 ուսանող:

ՀԱՂԹԱՆԱԿԻ ՀՈՒՇԱՐՁԱՆ ԵՐԵՎԱՆՈՒՄ

Ստալինյան պողոտայից ուղղակի դեպի վեր՝ Քանաքեռի սարահարթի վրա բուռն թափով առաջ է գնում Հաղթանակի հուշարձանի շինարարությունը:

Հուշարձանի պատվենդանն իրենից ներկայացնելու է հայկական ոճով կառուցված մի հսկա շենք, որտեղ տեղավորվելու է Հայրենական Մեծ պատերազմի թանգարանը:

Պատվանդանն ունենալու է 35 մետր

բարձրություն, որի վրա դրվելու է ժողովուրդների Մեծ առաջնորդ Ստալինի 16 մետրյա արձանը:

Հուշարձանը, որի հեղինակն է ՍՍՌՄ ժողովրդական նկարիչ, ակադեմիկոս Ս. Մերկուրովը, արդեն պատրաստ է:

Հուշարձանի բացումը կայանալու է 1950 թվին Հայաստանում սովետական իշխանության հաստատման 30-րդ տարեդարձի օրը:

5 ՄԷԼԻՈՆ ՌՈՒԲԼԻ ԵԿԱՄՈՒՏ ԲԱՍԲԱԿԻՑ

Հոկտեմբերյանի շրջանի Բամբակաշատ գյուղի կոլխոզնիկները արժանավայել կերպով վայելում են գյուղատնտեսության առաջավորների համբավը: Նրանց տնտեսությունն աչքի է ընկնում բարձր եկամտաբերությամբ: Բավական է ասել, որ այս տարի կոլխոզի ստացած 7 միլիոն ռուբլի եկամտից 5 միլիոնը ստացվել է բամբակից:

Դրա շնորհիվ Բամբակաշատի կոլխոզ-

նիկը յուրաքանչյուր աշխօրի դիմաց կստանա 30 ռուբլի, այդ թվում և 4 կիլոգրամ հացահատիկ, ըստ որում, այդ միայն բամբակի եկամտից:

Այդ գյուղի միջին կոլխոզային ընտանիքը իր աշխօրերի դիմաց կստանա 20—25 հազար ռուբլի և ավելի քան 2,5 տոնն հացահատիկ, 40—50 կիլոգրամ բուսայուղ՝ միայն բամբակի եկամտից:

ԿՈԼԵԿՏԻՈՆ ԱՅԳԻ

Պողբարժության գիտա-հետազոտական ինստիտուտը կազմակերպել է մերձարևադարձային կուլտուրաների կոլեկցիոն մի մեծ ալբոմ:

Այդու տարածությունը 20 հեկտար է: Այստեղ տնկված են 350 տարբեր մրգատու

կուլտուրաներ՝ նուշի, խնձորի, տանձի, սալորի, դեղձի և այլն սորտեր:

Այդում տնկված է միայն 57 սորտի սալորենի և 120 սորտի դեղձենի:

Կոլեկցիոն ալբոմը աճեցվելու է նաև Հայաստանի և Սովետական Միության ռեսպուբլիկաների բոլոր սորտերի պտուղները:

ՀԻՇԱՐԺԱՆ ՀՈԲԵԼՅԱՆՆԵՐԻ ՆՇՈՒՄՆԵՐ

ՌՈՒՍ ՄԵԾ ԲԱՆԱՍՏԵՂԾ ԱԼԵԲՍԱՆԴՐ ՊՈՒՇԿԻՆԻ ԾՆՆԴՅԱՆ 150-ԱՄՅԱԿԸ

Հայաստանի աշխատավորները հսկայական խանդավառությամբ նշեցին ռուս ժողովրդի հանճարեղ բանաստեղծ Ալեքսանդր Սերգեևիչ Պուշկինի ծննդյան 150-ամյակը:

Պուշկինը՝ ազատության մեծ երգիչը, ռուսական ազգային կուլտուրայի առաջավոր մարտիկը, ջերմորեն սիրված է Հայաստանի աշխատավորների կողմից:

Ամբողջ ռեսպուբլիկայում մի քանի օրվա ընթացքում անցկացվեցին մեծ բանաստեղծի կյանքին ու գործունեությանը նվիրված գիտական սեսիաներ, տասնօրյակներ, կազմակերպվեցին հատուկ դասախոսություններ:

Հոբելյանի օրը Երևանի Սպենդիարյանի անվան Պետական Օպերայի և բալետի թատրոնում պարտիայի և կառավարության ղեկավարների մասնակցությամբ կայացավ հանդիսավոր երիտ՝ նվիրված՝ Ա. Ս. Պուշկինի հիշատակին:

Մոսկվայում տեղի ունեցած Պուշկինի ըստնդժագործությունների լավագույն արտասանողների ու վոկալիստների մրցույթյան մեջ, մայրաքաղաքի ուրիշ արտիստների թվում առաջին կարգի դիպլոմի արժանացավ Հայկ. ՍՍՌ ժողովրդական արտիստ, ՍՍՌ-ի Մեծ թատրոնի մենակատար Պ. Լիսիցյանը:

ՊԵՏՐՈՍ ԱԴԱՄՅԱՆԻ ԾՆՆԴՅԱՆ 100-ԱՄՅԱԿԸ

Հայ մեծ ողբերգակ-դերասան Պետրոս Ադամյանի ծննդյան 100-ամյակը լայնորեն նշվեց ռեսպուբլիկայում՝ ցուցադրելով հայ ժողովրդի խորին սերն ու երախտագիտությունը իր հանճարեղ զավակի նկատմամբ։

Հուլիսի 4-ին, Սոսնոկյանի անվան Պետական դրամատիկական թատրոնում, կայացավ հանդիսավոր նիստ՝ նվիրված Պետրոս Ադամյանի հիշատակին։ Հանդիսավոր նիստին մասնակցում էին արվեստի, գիտու-

թյան, գրականության ճակատի աշխատողներ, գործարանների ու ֆաբրիկաների առաջավոր բանվորներ և ուրիշներ։ Մեծ դերասանի կյանքի ու գործունեության մասին զեկուցեց արվեստի վաստակավոր գործիչ պրոֆեսոր Վ. Վարդանյանը։

Զեկուցումից հետո ներկայացվեցին առանձին պատկերներ «Օթելլո» և «Համլետ» ողբերգություններից, ապա տրվեց ճոխ համերգ։

ՄԵԾ ԳՐՈՂ Ա. Մ. ԳՈՐԿՈՒ ՄԱՀՎԱՆ 13-ՐԴ ՏԱՐԵԴԱՐՁԸ

Հուլիսի 15-ին Սովետական Հայաստանի աշխատավորները խորին վշտով նշեցին ուսումնական տարեկանի 13-րդ տարեկան հիմնադիր, խաղաղության և դե-

մոկրատիայի մեծ ջատագով Ալեքսեյ Մաքսիմովիչ Գորկու մահվան 13-րդ տարեկան համերգ։

ՄԵԾ ԿՈՄԻՏԱՍԻ ԾՆՆԴՅԱՆ 80-ԱՄՅԱԿԸ

Սեպտեմբերի 26-ին, Երևանի Սպենդիարյանի անվան Լենինի շքանշանակիր Պետական Օպերայի և բալետի թատրոնում կայացավ հանդիսավոր նիստ՝ նվիրված հայ մեծազույն կոմպոզիտոր Կոմիտասի հիշատակին, նրա ծննդյան 80-ամյակը նշելու կապակցությամբ։

Թատրոնի լեհրեն-բերան լցված հսկայական հանդիսատեսում կարելի էր տեսնել մայրաքաղաքի ամբողջ ծաղիկը։ Այստեղ են գիտնականներ, արտիստներ, նկարիչներ, գրողներ, բանվորներ, ղեկավորականներ, որոնք հավաքվել էին հարգելու ժողովրդական հանճարեղ կոմպոզիտորի հիշատակը։ Նիստի նախագահության մեջ են պարտիայի և կառավարության ղեկավարները։

Կոմպոզիտորի կյանքի ու գործունեության մասին զեկուցում տվեց արվեստի վաստակավոր գործիչ Ս. Գասպարյանը։

Հանդիսավոր մասից հետո տեղի ունեցավ մեծ համերգ՝ մայրաքաղաքի լավագույն արտիստական ուժերի մասնակցությամբ։

Մեծ կոմպոզիտորի հիշատակը հավերժացնելու նպատակով, հաշվի առնելով նրա մեծ ծառայությունները հայկական կուլտուրայի զարգացման գործում, Հայկական ՍՍՌ-ի Մինիստրների Սովետը որոշեց սահմանել Երևանի Պետական Կոնսերվատորիայում գերազանց ուսանողների համար երկու թոշակյուրաքանչյուրը 400 ռուբլու չափով։ Կոմիտասի անունը շնորհել Երևան քաղաքի փողոցներից մեկին, 1950 թվին Երևանում կանգնեցնել Կոմիտասի հուշարձանը։

ՀԱՆԴԻՍԱՎՈՐ ԵՐԵՎՈ Շ. ՀՈՎՀԱՆՆԻՍՅԱՆԻ ՄԱՀՎԱՆ 20-ԱՄՅԱԿԻ ԱՌԹԻՎ

Սեպտեմբերի 29-ին, Հայաստանի Սովետական Գրողների միության տան դահլիճում, տեղի ունեցավ հայ նշանավոր բանաստեղծ Հովհաննես Հովհաննիսյանի մահվան 20-ամյակին նվիրված երեկո։

Բանաստեղծ Ն. Զարյանի բացման խոսքից հետո, Շ. Հովհաննիսյանի կյանքը ու ստեղծագործությունը բնութագրող զեկուցու-

մով հանդես եկավ ֆիլոլոգիական գիտությունների թեկնածու Վ. Պարտիզուին։ Զեկուցողն ընդգծեց այն կարևոր դերը, որ կատարել է Շ. Հովհաննիսյանը հայ նորագույն պոեզիայի հիմնադրման համար։ Զեկուցումից հետո Շ. Հովհաննիսյանի մասին իրենց հուշերով հանդես եկան Դ. Դեմիրճյանը և Ա. Կարինյանը։ Վերջում տեղի ունեցավ համերգ։

ՀԱՆԴԻՍԱՎՈՐ ԵՐԵՎՈ ՆՎԻՐՎԱԾ ՇՈՊԵՆԻ ՄԱՀՎԱՆ 100-ԱՄՅԱԿԻՆ

Հոկտեմբերի 16-ին, Արվեստի աշխատողների տանը, տեղի ունեցավ հանդիսավոր երեկո, նվիրված լեհ հանճարեղ կոմպոզիտոր

Ֆրեդերիկ Շոպենի մահվան 100-ամյակին։ Շոպենի կյանքի և ստեղծագործության մասին զեկուցումով հանդես եկավ երաժշտա-

բան Ե. Գիլինան: Զեկուցումից հետո տեղի ունեցավ Շոպենի ստեղծագործություններին նվիրված համերգ, դաշնակահարներ Ռ.

Անդրեասյանի, Ս. Բունիաթյանի և Ա. Ամբակումյանի մասնակցությամբ:

Մ. ՆԱԼԲԱՆԴՅԱՆԻ ԾՆՆԴՅԱՆ 120-ԱՄՅԱԿԸ

Այս տարի լրացավ հայ մեծ գրող Միքայիլ Նալբանդյանի ծննդյան 120-ամյակը: Այդ կապակցությամբ՝ ՀՍՍՌ Գիտությունների ակադեմիայի Մ. Աբեղյանի անվան Գրականության ինստիտուտը հրատարակեց մեծ գրողի և հրապարակախոսի կարևոր աշխատություններից մի քանիսը: Հայաստանի բա-

ղաքներում և շրջաններում տեղի ունեցան զեկուցումներ: Հոկտեմբերի 14-ին, Երևանի Ալ. Սպենդիարյանի անվան Լենինի շքանշանակիր Օպերայի և բալետի թատրոնում տեղի ունեցավ հանդիսավոր նիստ, որտեղ մեծ գրողի մասին ընդարձակ զեկուցումով հանդես եկավ ֆիլոլոգիական գիտությունների թեկնածու Հ. Մկրտչյանը:

